

Broj: 01-04-6-02897-6/2022  
Sarajevo, 10.6.2022. godine

Na osnovu člana 90. Zakona o javnim nabavkama Bosne i Hercegovine („Službeni glasnik BiH“, broj 39/14), Pravilnika o postupku direktnog sporazuma („Službeni glasnik BiH“, broj 90/14), te čl. 6. i 7. Pravilnika o postupku javne nabavke putem direktnog sporazuma u Federalnoj upravi za inspekcijske poslove broj 01-02-6-01567/2015 od 31.3.2015. godine, nakon razmatranja Preporuke Komisije za javne nabavke broj 01-04-6-02897-5/2022 od 9.6.2022. godine, Direktor Federalne uprave za inspekcijske poslove, u ime ugovornog organa, donosi

**ODLUKU  
O DODJELI UGOVORA O NABAVCI INFORMATIČKE OPREME  
SKENERI (2 KOMADA) I PRINTERI (2 KOMADA)**

**I**

Prihvata se preporuka Komisije za javne nabavke Uprave broj 01-04-6-02897-5/2022 od 9.6.2022. godine, te se ugovor o nabavci roba – informatička oprema (skeneri – 2 komada i printeri - 2 komada) dodjeljuje ponuđaču „Kamer Commerce“ d.o.o. Sarajevo, društvo za proizvodnju, trgovinu i usluge, čija ponuda broj VP-251/22 od 8.6.2022. godine je ocijenjena prihvatljivom.

Ugovor sa ponuđačem Kamer Commerce d.o.o. Sarajevo, će se zaključiti pod slijedećim uslovima:

- ukupna cijena bez PDV-a 5.060,00 KM, odnosno sa uračunatim PDV-om 5.920,20 KM
- predmet isporuke su printeri (2 komada) HP LaserJet Pro M501 dn i skeneri (2 komada) Canon DR-M260
- mjesto isporuke: u sjedištu ugovornog organa u Sarajevu, ulica Fehima ef. Čurčića broj 6
- rok trajanja ugovora: do izvršenja posla od strane ponuđača u skladu sa ugovorom
- rok, način i uvjeti plaćanja: plaćanje će se vršiti u roku od 30 dana od dana ispostavljanja fakture, u skladu sa budžetskim načinom plaćanja

**II**

Ugovorni organ će sa ponuđačem iz tačke I ove odluke zaključiti ugovor kojim će se regulirati međusobna prava i obaveze vezana za predmetnu javnu nabavku, a u skladu sa uslovima definisanim tenderskom dokumentacijom i zakonskim propisima koji regulišu postupak ugovaranja.

**III**

Ova odluka će se objaviti na web stranici Federalne uprave za inspekcijske poslove.

## Obrazloženje

Direktor Federalne uprave za inspekcijske poslove je svojom odlukom broj 01-04-6-02897/2022 od 31.5.2022. godine pokrenuo direktni postupak javne nabavke nabavke roba – informatička oprema (2 printera i 2 skenera). Predmetna nabavka je planirana Planom nabavki Uprave za 2022. godinu, robe redni broj 9, a procijenjena vrijednost nabavke je 6.000,00 KM bez uračunatog PDV-a. Sredstva za nabavku su osigurana iz Projekta Švedske Agencije za međunarodni razvoj SIDA - pomoć Bosni i Hercegovini u poboljšanju kvaliteta zraka.

Komisija za javne nabavke je uputila pozive za dostavljanje ponude na adrese 4 ponuđača, i to: IMTEC doo Sarajevo, Kamer Commerce d.o.o. Sarajevo, društvo za proizvodnju, trgovinu i usluge, PRINTEX d.o.o. Sarajevo i UNI-EXPERT d.o.o. Sarajevo.

Pozivom za dostavljanje ponude je predviđeno da je krajnji rok za dostavljanje ponuda 8.6.2022. godine do 12,00 sati.

Dana 9.6.2022. godine. godine komisija je održala sjednicu na kojoj je konstatovala da je ponudu dostavio samo jedan ponuđač i to Kamer Commerce d.o.o. Sarajevo, društvo za proizvodnju, trgovinu i usluge. Uvidom u ponudu broj VP-251/22 od 8.6.2022. godine, komisija je utvrdila da je ponuđač ponudio printere HP LaserJet Pro M501 dn i skener Canon DR-M260. Komisija je konstatovala da ponuđene robe odgovaraju zahtjevima definisanim zahtjevom za dostavljanje ponude.

Ponuđena cijena bez PDV-a za printer HP LaserJet Pro M501 dn iznosi 660,00 KM po komadu, a za skener Canon DR-M260 1.870,00 KM po komadu.

Ukupna ponuđena cijena iznosi 5.060,00 KM bez PDV-a, što je u granicama osiguranih sredstava za predmetnu nabavku. Također je konstатовano da je ponuđač prihvatio sve uslove zahtjevane pozivom za dostavljanje ponude, te da ne postoje druge smetnje za davanje preporuke direktoru Uprave za donošenje odluke o dodjeli ugovora.

Slijedom prednje navedenog, Komisija je sačinila preporuku za dodjelu ugovora broj 01-04-6-02897-5/2022 od 9.6.2022. godine kojom je predložila da se sa navedenim ponuđačem zaključi ugovor o konkretnoj nabavci, te je istu dostavila direktoru Uprave na razmatranje.

Nakon razmatranja dostavljene preporuke direktor Federalne uprave za inspekcijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

Pouka o pravnom lijeku: Protiv ove odluke žalba nije dopuštena.



Dostaviti:

1. Kamer Commerce doo, Blažumjski drum 14, 71210 Ilidža
2. Sektor za tehničku podršku i plansko-analitičke poslove
3. Sektor za materijalno-finansijske poslove
4. Komsija za javne nabavke (a/a).